



中国国家图书馆
NATIONAL LIBRARY OF CHINA

中麓山人拙對

言言齋善本圖書



中国国家图书馆
NATIONAL LIBRARY OF CHINA

中麓山人拙對序文



屬對在文事中為末技然童而習之至白首有
不能得其旨繁者此與詩聯疊別只宜嚴而切
簡而明雖若出自信口字句渾然天成無雕琢
之跡有金石之聲是則可傳傳而可遠不當以
末技目之矣近世士夫家或新歲或創起亭臺
樓館門楹之間頗尚對語惜予聞見不廣間有
可傳可遠者不過數聯耳陸儼山春帖云步玉
登金十八人中唐學士升堂入室三千門下魯



中国国家图书馆
NATIONAL LIBRARY OF CHINA

諸生李崆峒題河南藩司云依河洛而拱嵩行
人物鍾山川之秀枕嶠函而負伊闕風氣當天
地之中顧未齋書道觀云道院闡玄風看八百
班行聯玉笋宗門興景運願三千世界湧金蓮
駱龍仙在南海作縣南斗以南觀北斗後天之
後見先天陸少石提學山東牢落傳經教及三
千未化蹉跎學道年今四十無聞王鳳泉左遷
濱州天下雄圖惟海岱古來循吏有龔黃蘇雪
簑野老浴丹澗底引來龍窟水山僧煮雪松稍

帶行鶴巢雲余鄉前輩作蹠躅對云半空簸弄
團圓月一氣包藏渾沌天是皆與鄙意合者舉
此以例其餘云余自罷太常歸舊里稍稍廣田
園葺廬舍傍水依山足以樂而忘老遍設對扁
以見志林泉花鳥耕稼之外無他辭遊客往往
見取錄之而去但得此遺彼因總成小集以應
客而并述其由如此嗚呼生當盛世仕則步
止容與安享祿位處則田而食屋而居支頤而
卧鼓腹而嬉得以為太平之民山澤之癯敢忘



所自耶詩云無德不報况大德同玄造者乎凡我臣民其何以為報也

嘉靖壬子十二月念日中麓李開先序

中麓山人拙對卷之上



尊藏

章丘李開先著

誥勅之樓

十年登仕路 兩次沐恩波

時享之堂

享獻四時俎豆

尊藏三代衣冠

訓戒心聲不遠

詩書手澤猶存

家薦隨時損益本太常之禮



中国国家图书馆
NATIONAL LIBRARY OF CHINA

國恩最大褒封得吏部之銜

孝廉堂

堯舜之道孝弟而已矣

夫子之道忠恕而已矣

賜閒齋

抱甕吾藏拙 上書天賜閒

閒居賦出方知我 招隱詩成可寄誰

寄傲齋

不但元龍傲 兼同米芾狂

須知夙有真仙分 莫道姑容傲吏閒

待月樓

龜甲屏開月照樓中雲母色

象牙板撒風傳席上雪兒歌

北渚蒸雲望倚闌干十二曲

東山吐月照觀道德五千言

馬文章閣

躬耕畝畝名動京師若是者則吾豈敢
身在江湖心懸魏闕微斯人其誰與歸



中国国家图书馆
NATIONAL LIBRARY OF CHINA

琴臺

琴聲漫引窓前月
花氣渾沾雨後天
爐烟遠共天絲裊
琴韻還同月影清

慕臺

四海皆為奔北將
三齊獨是指南車
碁局酒盃消日月
筆床茶竈度朝昏

煙柳亭

鳥語驚人春夢少
柳絲罨戶午陰多

雲栢亭

花片隨風紅雨濶
栢陰掩日綠雲涼

露菊亭

青草蒙茸侵座軟
黃花爛熳引盃長

風竹亭

瑣碎風傳叢竹韻
玲瓏雪破凍梅香

涵三洞

山中泉脉動
簾外隴雲生

靜觀泉竇細
趺坐石床平

大覺禪



中国国家图书馆
NATIONAL LIBRARY OF CHINA

傳燈黃葉寺

演梵翠微宮

虎不害人方是道

猿能伴客共參禪

四望樓

枕泰岱而跨滄溟山河齊十二

家詩書而戶絃誦禮樂魯三千

虛碧北尋巖洞去

蒼涼東望海門開

白石橋邊魚潑浪

彩雲樓上鴈隨陽

蒼蒼山色平臨閣

晶晶河流曲抱城

摘角亭

稅駕營居突兀茅亭如角立

掛冠去國蕭騷蓬鬢與眉齊

砥柱亭

自信堅心逆衆流而獨立

誰云大厦非一木所能支

雲房

山鳥噪簷如有約

溪雲圍戶本無心

釣臺



中国国家图书馆
NATIONAL LIBRARY OF CHINA

草帶迷蕪徑 苔衣上釣磯

人疑勾漏令 地即富春山

舉足便登藏虎窟 抽身早上釣魚臺

仕路不如歸路好 將臺爭似釣臺高

突兀亭

泉分來樹杪 亭迥出花間

奉常退居

歸田無復凌雲志 報國常存捧日心

對聖亭

二井東西對望 三山南北相連

舊漁堂

畝畝情深耕雨犁雲同野老

江湖跡遠披星帶月伴漁人

中麓別業

吾居不啻柴桑里 比屋皆臨禾黍場

四境有田園生計何方獨最

十年離魏闕卜居此地為宜

俗緣未斷因營第 宿債難償合種田



中国国家图书馆
NATIONAL LIBRARY OF CHINA

徑亭

近取諸身當知有此道
行不由徑何以至吾亭

有即亭

染翰操觚字古漫
誇揚子宅堆床插架書多敢
玃鄴侯家

見賓堂

詞客連床聽夜雨

經生滿屋坐春風

吟窩

拈斷吟髭纔得句

漫誇開口便成章

別墅

五鎮有市有田有歌者

百年無人無我無衆生

禾油油箕子之詩是已

田喃喃元生之詠非與

曉片垂楊梟 春城蕪草生

慈姑亭

老樹雲屯巢巧婦 新渠水滿長慈姑



中国国家图书馆
NATIONAL LIBRARY OF CHINA

畸侔堂

畸於人者侔於天有味哉其言之也
進以禮而退以義亦庶乎自得者歟

小崆峒

怪石為山奔萬馬
蒼藤掛樹結雙龍

吾如堂

樹種千株可比中人之產
泉通一線能滋百畝之園
灌田俱引水南北名園

出戶即登山東西大路

有田皆可水無日不登山

賢已齋

恨無妙藥醫詩瘦
剩有高棊敵睡魔

中麓草堂

大鎮業農凡五所
小園便靜掩重門

著書幸在癸辛里
濟物曾成子午橋

夜坐挑燈閒話墨
晨興點易自研硃

燕泥點入琴書濕
螢火飛來几席明



酒聖詩碑

詩狂頻發作

酒力漫禁持

酒盡仍留客坐

菜肥叵禁人癯

蘿月山房

蘿蔓夜穿青海月

花枝朝燦赤城霞

石室無燈憑月照

山門不鎖待雲封

花堦莫掃任風吹

一出二對

詞林雅會

化國之日舒以長

治世之音安以樂

後知軒

翠峯松聲萬里長風來北牖

扶疎栢影一輪明月照南軒

竊君子之名塔下可無千本竹

從大夫之後立前恰有五株松

南思軒

投簪只為鄉心切

對鏡羞看旅鬢稀

三宜樓

詩酒茶三般頗解

月雨雪四序咸宜



中国国家图书馆
NATIONAL LIBRARY OF CHINA

城廓山林

真石造假山雪竇雲巖恍若負隅之虎
老藤蟠弱木雷聲枝雨幹渾如出水之虬

大隱居

端坐思玄賦閒居著素書

薄遊懶出郭大隱不居山

三事無能劇飲狂歌揮健筆

一長可取避率打坐養靈砂

仍堂

大父子孫耕讀各專所業

皇明元宋武文代有其人

北來古木千章以知舊壘

南望豐碑百畝以是新阡

乾坤一草亭

君門萬里瞻猶近閬苑三山隱自高

龍山老農家

夾山為水夾水為龍龍山古來惟水
棄農作儒棄儒作吏吏儒今又歸農



農商無濟之堂

田車歷轆田家樂 酒旆招搖酒店香

數口業農數口經商糊口何多術也

一心務本一心逐末是心孰使然哉

野歌信口高低和 農譜随心坐卧看

心遠地偏廬

氣高難以居高位 心遠因而置遠田

村婦晨興頭戴野花斜抱子

牧童晚入口吹蘆葉倒騎牛

暖餘堂

不待養蚕冬自暖 豈知有鳥夜號寒

田舍郎

木天無分福 花地是生涯

卜築張林鎮 邀遊李相庄

不戀京卿翻身離業海

相隨野老糊口種花田

苦營新瓦舍 甘作老庄科

兵略麤知今生恨少封侯骨



農書極熟前世應為處士身

偏官喜入長生運 正印兼逢大有年

喜有早苗忙僕輩 莫教春草怨王孫

水雲鄉

風雨驟時敲戶牖 水雲深處是家鄉

一麥比三秋近寨千行麥隴

繁荷惟七月對軒兩箇荷池

南來千澗水 北望五雲天

人物繁華水寨乃一方巨鎮

貨財騰踴集場為百里名區

蒙菴

泉地久歸李 庄名仍襲周

月穿缺牖娟娟影 石闢流泉齒齒聲

井深百尺豈知曲洧飛泉

山峻千尋喜傍平田結屋

醉夢為聞流水覺 閑情惟有看山忙

近遊園

村落去城三里許 寺曹竊祿十年餘



步村碓鎮

地沃偏宜稼 人強可却兵

山北一方大鎮 觀傍三頃良田

市廛三五里 煙井百千家

貨繁不似邊山市 稼美何須負郭田

滿車萬婁農夫喜 一甕醍醐野客沾

臨許居

蓬戶原依分水鎮 麥田今傍大溝厓

田園隨曲岸 籬落接廻軍

傍墻即柳巷 水沒長堤牛羊路窄疑無地
何處是桃源 雲迷小徑鷄犬林間別有天
臨淵自羨垂綸手 戀闕誰知補衮心

高埠平樓

地潤離城遠 樓高與埠齊

深岩流却淺 高埠地皆平

東隣大壑通山北 西望平田接濟南

下取高高取下或下或高買地之微權在我

稀留密密留稀不稀不密鋤苗之妙法惟人



中国国家图书馆
NATIONAL LIBRARY OF CHINA

白泉精舍

白水為泉小壅之得名良以此耳
分山作畝古書之製字將無同歟

三山環抱春先暖 萬木陰森夏亦涼

江鄉別業

枕宅平田似掌 繞村水曲如眉

舊居葱嶺下 新業繡江邊

村號南王雖非一日 地歸中麓願歷多年

對門山色饒春醉 逸舍濤聲攪夜眠

山從南北雙龍合 江轉東西萬鷁來

江山勝覽處

雲物供詩料 江山入畫圖

蟠松堂

歲久松團盖 春深草作茵

茂林迷晝綺逢客 嬌鳥鳴春似啓予

蓼花汀

鷺影驚飛照水蓼花紅歷亂

蟬聲乍斷參天楓葉綠參差



中国国家图书馆
NATIONAL LIBRARY OF CHINA

當山亭

水濶如通海 城荒可當山

堂開新竹徑 門對古城隈

城高遲得月 水積早蒸雲

人從仙境入 月過女牆來

城邊盤素月 樹杪度蒼雲

打坐終朝面壁 為農逐歲腰鐮

冬游不畏風來急 夜話無愁月上遲

風送晚鍾城谷響 花侵春酒座生香

鍾分曉色城鴉起 砧動秋聲塞鴈迴

一部鼓吹

蛙聲夜月孤城下 鴈影秋風斷港中

躍岸堪稱令僕 鳴池莫問官私

洞山亭

龍藏洞主 鷄鳴山人

水濶心田潤 山空眼界寬

醉歸堂

萬丈紅塵飛不到 草玄坐上



一輪皓月常則穿泛綠盃中

醉眼不分山北向 歸心久逐水東流

喜趁牛王社 懶隨鵷旅朝

傍午開門因中聖 壯年去國怕妨賢

河山在目

路接千山迺車馬奔馳之地

川通百脉為魚龍出沒之鄉

小清河曲如輦帶 長白山高儼畫屏

水若浮盃耳 山如排戟然

會心不遠

望道從茲探碧海 尋真何處覓丹丘

飛輪亭

水磨似法輪長轉 釣磯即道岸先登

日月雙飛磨 江河一轉環

較獵亭

滿路詩題蹇衛倒騎猶恐速

四郊兔跡韓盧急放已為遲

望月臺



中国国家图书馆
NATIONAL LIBRARY OF CHINA

地僻飛塵少
臺高得月多

卧遊齋

袁安已是甘心卧
寧戚何勞扣角歌
奔馳不効秋風客
恬退惟因春夢婆
難覓丁夫親荷鋤
為傷卯酒不開關

野亭

詰曲雖云山後寨
膏腴不讓水邊田
野客探花非問字
山童採藥不知名
綠野玄猿應識年
前舊主

丹崖白鶴堪為物
外新交

避喧處

力辭顯達甘岑寂
勘破盈虛任往還

一覽亭

花鳥百年有幸
河山一覽無遺

心南樓

辭北闕以潛身
百口共歡庭日永
向南山而引脰
一心常逐隴雲飛
古壘三家一頭
黃犬迎風吠



中国国家图书馆
NATIONAL LIBRARY OF CHINA

良田百畝六角犁牛背日眠

樓瞻北極心長戀 門對南山意自閒

一派泉聲來枕上 四圍山色滿樓中

近城曉色隨鍾散 遠寺斜陽帶磬沉

望朝曦

雲收雨霽千峯起 日出烟微萬井沉

留晚照

滿樓皓月閒吹笛 一榻清風醉枕書

登賢堂

堂中每下高人榻 門外常聞長者車

已馬齋

鎮日齋心臨月牖 早年袖手下天關

饒子着棋自出洞門無對手

避人解印曾離鄉井有歸心

歸隱纔高身外功名終是假

衰痺莫信眼前聞見始為真

宦海有風波紙舡莫渡

仕途多坎坷草履難行



中国国家图书馆
NATIONAL LIBRARY OF CHINA

天官第

曩時會長選 晚歲只明農

愧道李君曾吏部 止知王氏有農書

別是一堪輿

村落無多遠 山川迥不同

藥室

接閒大展眉間鎖 却病全憑肘後經
善人不怕三尸說 智者能調五臟和

太常南圃

一畝園過十畝田 李太常甘心治圃
百年人做千年調 呆老漢白首營家

松房

風驟遠聞高士韻 雲來何必大夫封

避暑亭

難致清風亟喚蒼頭搖大扇

苦捱烈日安能赤脚踏層冰

禿髮老奴汲水負薪兼乞火 氣候休差常使葛

洪丹竈煖



平頭小牖搖紈把蓋旋移床炎蒸善避且便崔
立綠槐涼

平樓

欵枕夢迴青瑣闥 平樓覽遍綠原村

注目樓

隱几成高卧 憑欄代遠遊

樓迫無塵障 田多有蓋藏

蔽野牛羊紛莫辨 連庄鷄犬總相聞

對面兩村同百步 潛身一屋只三間

東隣俱客舍 西望亦吾樓

息機亭

是非搬闔雙無益 懶病撻纏七不堪

禮星亭

瞻注南山近 低迴北斗高

愛蓮樓

月藏柳影穿樓過 風送荷香遶檻聞

河上樓

蝶拍鶯簪富貴山中相



中国国家图书馆
NATIONAL LIBRARY OF CHINA

鰲竿魚網生涯河上公

有時賣卦長安市 到老垂綸渭水濱

謎社

脫殼離形洩露古今隱語

剪冰裁雪包羅天地玄機

場圃樓

樓臺雖曰藐乎爾 場圃有可觀者焉

二用樓

十畝場邊千畝地 藝五穀百口無饑豈但能供

數口

三層樓上一層欄 有千倉雙眸可飽不徒遠望

吟眸

逍遙樓

樓原脩緩急 名曰假逍遙

探漲樓

隄以防衝不愁夜破蛟龍鱗

樓能探漲一任朝迷牛馬群

白壤樓



中国国家图书馆
NATIONAL LIBRARY OF CHINA

樓高不怕青山遠，倉滿全憑白壤多。

牡丹庭

淡白嬌紅密藥繁，英真國色
深青嫩綠千枝萬葉，如宮粧。

聚書萬卷堂

讀書日落青燈繼

授業風微絳帳垂

閉戶不殊楊子第

開簾忽見女郎山

近學亭

自幸文儒屢顧

無庸賢母三遷

雨足芹堪采

春深花欲迷

方兩江背郭堂

足跡不多因背郭

牙籤常潤為臨池

霧縠稜層當戶限

煙沙縹緲隔江皋

鳥篆鈎連傳墨跡

漁歌欸乃雜書聲

近城每見旌旗色

背郭稀聞車騎音

為岳父發喪作

還真自是超三界

住世誰如近百年

芸閣淒涼雪後揮雙淚



中国国家图书馆
NATIONAL LIBRARY OF CHINA

椿庭寂寞風前折寸心

為遠西鑒乃尊發喪作

泉下悠悠魂不返 人間耿耿氣猶生
夜壑藏舟今有日 椿庭易簣已多年

為王秀才乃尊發喪作

樹風難寂靜 殯露易稀微

欲酬大德嗟猶未 恪守喪儀不敢違

枕塊惟拘禮 過庭憶學詩

雲暗愁聞猿聚嘯 月明復見鶴歸來

為孀母發喪作

霜後空揮殘菊淚 風前忽斷壽萱心

三千行滿今方去 七十年過古已稀

堪恨孤舟藏夜壑 難將寸草報春暉

西成樓

宦遊 北闕知無日 農務西郊喜有秋

百花堂

窓前雨過琴書濕 花外風來枕簟香

散對



中国国家图书馆
NATIONAL LIBRARY OF CHINA

為調彌高由來白雪人難和
告歸甚勇不羨青雲宦早通
晚樹喧群雀 秋禾滿疊塋
客舍久荒涼何必宦遊為客久
官衙多暴濫休憐考察去官多
禮攻吾短曲禮三千畢竟百千萬禮以盡
年與日長行年五十始知四十九年之非
雨露霑濡數月三遷居盡省
風塵奔走十年八次泛黃河

殘霞收宿雨

缺月淡秋天

落葉擁階奴輩懶

積書滿案主人忙

乍晴極浦初生月

久雨危樓長傍雲

苦貪五斗風斯下

睡起三竿日已高

罷官十載違朝謁

結客終朝恣讌遊

奮身辭帝里

胼手作農家

宦態比巢鳥或高或下原難定

閒身同旅鴈時北時南信所如

水深池闊遊魚喜

月小山高度鴈愁



中国国家图书馆
NATIONAL LIBRARY OF CHINA

佳節臨除委地壺觴歡此夜
韶光易老喧天簫鼓憶前年

讀書萬卷心如玉鏡懸
夫我則不暇作賦千篇才似金波湧
惟爾有是夫

學文不在分章句
好武惟應廣智謀

有客在深山相招勞手東

惟予羈閑市赴約急脂車

登臨便野服
疲病謝朝簪

冒雨幸存和靖笠
臨風欲棄許由瓢

閨中風月無人識
醉後溪山只自遊

鄰里窮民無褐無衣難卒歲

林泉放客不冠不帶拜新春

社後秋聲偏畫角
望前晚景有冰輪

莫扣窮通憑目者
要將問學企天人

四十辭官壯心猶不下

重陽喪父沒歲罷登高

涉水方知藜杖穩
登山為愛葛衣輕

狗監莫憂無薦者
魚池可樂不思官



中国国家图书馆
NATIONAL LIBRARY OF CHINA

梅月驚棲鳥

松風逐斷猿

魚舟搖櫓聲嘔啞

鳳竹交窓影直斜

鷗冠曾被儒冠悞

豸服何如道服閒

素志未成玄髮改

清操長共赤心存

入耳難聞百姓又該新吏債

踐形惟肖一生幸賴古人書

春賽持盃同飲福

秋成績穀可防饑

已近崇階長公曾去漢

分司祀典少宰向遊梁

放歌好在窮愁日

謝政方纔強仕年

太平何必陳三策

放達那能詠四愁

麤羹及早厨中熟

細草當春戶外生

隨身老友惟藜杖

握手新知有釣竿

人有忌心白也詩才難掛綠

世無法眼羲之筆陣且描紅

肝氣方平喜怒不形於色

心神既定危疑無累其身

雨覆雲翻半載幾更新吏部



中国国家图书馆
NATIONAL LIBRARY OF CHINA

風恬浪靜千金不賣舊漁磯

腰纏十萬貫騎鶴上揚州福薄之人莫望
口授五千言乘牛出函谷道高之士難逢
一百二十行懶見行行人似蟻

三萬六千日須教日日醉如泥

詩狂欲上天眇四子小二張吟肩瘦聳放筆批
風窮竒吊古信手拈來頭頭是道

思渴如吞海傲五侯輕千乘醉膽橫生飛觴對
月涉險登高隨心走去面面皆春

冒險狎潛蛟風帆狼狽江中後浪千層願且停
橈以待

衝泥鞭瘦馬雨具伶仃門外前程萬里不如投
轡而歸

言能貫日君子無易由言

志欲冲霄匹夫不可奪志

雨暘風暘以時五穀熟而民人育

歲月日時無易百室盈而婦子寧

愧簪於上庠鄉賓不赴



中国国家图书馆
NATIONAL LIBRARY OF CHINA

問征夫以前路遊子懷歸

攻詩追杜子月滿窓前照見吟肩抖擻
驚夢失周公風迴枕上俄聞殘角悠揚
百千家大衆不聊生只以飛蝗頻作祟
三五載小庄能獨熟幸然旱魃免為災
陰陽和而風雨時無地不沾其實惠
府庫充而倉廩實有司勿視為虛文
癸辛里丁卯橋文就兼宜雅詠
甲乙帳子午谷醒來更可閑遊

龍瓜豆羊角葱鷄髻菜甘蔗東牛腰園圃之名
疏不一

鴈嘴桃牛心李虎頭衣葡萄垂馬乳林泉之佳
果惟繁

麥收三月雨花落五更風物理之榮衰各異
菊傲九秋霜梅凌殘臘雪人生之操守當同
古人獲戩心使虜國十九年紫塞牧羊獨苦辛
得還生群輩之中有蘇武

今士憎多口貶朝陽八千里藍關跨馬為難豈



中国国家图书馆
NATIONAL LIBRARY OF CHINA

惟不死千載而下誦韓文

工畫能詩怎如李白兼崔白

知兵善戰誰識狄青與衛青

沃壤接長川水至即浮同地肺

幽巖藏曲洞花開不斷似天台

鯨波迷望眼霧鎖雲埋水國三千里觸舟怪石

起狼牙採薪造粥晝長苦饑宮遊不若還鄉好

鳥道失行踪風傳雨驟烟村四五家遠戶小溪

分燕尾沽酒論文夜深不寐旅寓方知行路難

廣種願薄收是以山田亦買

厚亡因多積幸而農譜猶存

入里先詢耕地法

在官已辦買山貲

水曲新田屢稔多因強僕力

山顛古寺重遊不待老僧招

知己隔天涯經年不見傳雙鯉

高人来洞府終日相隨戲五禽

賒多見少况邊山舍下薄田隨處是



中国国家图书馆
NATIONAL LIBRARY OF CHINA

賦重差繁兼近省民間厚俗逐年非

風捲梅花占釣臺尋春驢背穩

雪飄柳絮迷樵徑打獵馬蹄輕

宣威沙漠非無術投老烟波夙有緣

甘効風狂逐日密排歌舞陣

苦遭束縛前年頻却利名韁

邀賓讌樂申前約隨衆朝參鮮後期

漠漠胡塵匝地驚婦懷憂遠將何曾交半矢

騰騰殺氣冲天杞人過慮朝臣不見請長纓

場屋設賢科自媿濫叨龍虎榜

都門遭虜寇誰能掃蕩犬羊群

文士要名窮鳥篆農家實用是牛經

羊祜勲名無復望馬卿衰病且相將

青山連綠墅白塔勝丹丘

宦情有似人情薄歸興真如酒興濃

身且營新室心常念舊居

去國嗟何晚入山恐不深

玄都觀裏看花昔年有興



中国国家图书馆
NATIONAL LIBRARY OF CHINA

白玉堂前代草今世無緣

初晴謝雨申明鄉約如期願隨異姓春秋社
帶月披星僉押公文不寐懶坐同僚早晚衙
寵辱不驚何用爭妍取寵

名聲大振無如隱姓埋名

暫卧青蓮大士家携朋縱飲

久迷芳草王孫路遊宦忘歸

胡編青玉案對榻有詞人儘餘布被同春暖

高唱白銅鐺侑觴無美妓但是紅裙守歲寒

三伏科頭難辨或士或民脫巾總掛三花樹

一居容膝易安有賓有主載酒同遊五柳庄

在學十年血氣方剛曾許國

歷官九任心情纔倦即還家

擁被寒猶甚 圍爐煖不加

赤日當空幸握火宅庚年熱

玄冰裂土又值星樓子夜寒

猖狂豈効窮途哭 作息聊為擊壤歌

新懇薄田千百畝 舊叨厚祿十三年



中国国家图书馆
NATIONAL LIBRARY OF CHINA

南陽坐嘯不遠蘇門嘯

澤畔行吟何如梁父吟

熟積三焦銅甕旋汲陰崖水

風生兩腋石鼎新烹陽羨茶

平地起風波萬里長江非是險

當門生荆棘千盤蜀道不為難

齊人仕宦燕京歸去免為千里客

秦族遷移魯國生來原是五陵豪

曲奏梅花道人事業琴三弄

衣沾柳絮遶客功名紙半張

忍事最便宜事外休生事

好強招禍患強中更有強

自幸南陽龍卧穩無勞北闕鶴書臨

初三月似鈎捲簾可見

重九風如箭落帽何妨

金磬泠泠知寺近玉繩耿耿傍河斜

藉草傳觴明月地看花倚杖白雲天

客少堦生蘚雨繁壁有痕



曉霜洒髻驚秋色

初月如眉闥晚粧

秋來天氣偏清肅

夏盡時光轉白藏

月淡星稀難待周公之旦

霜清氣爽空悲宋玉之秋

花有鷄冠傾國色
書封鴈足帶邊聲

明月方中難藏宿鳥
涼風至後猶響寒蟬

世態炎涼纔動秋風捐暑扇

人心顛倒猶當暖日授寒衣

野草離離團曉露
庭柯槭槭撼秋風

甕煖新醅綠

籬寒晚菊黃

曉露稀微笑摘菊英浮玉斚

秋風蕭索愁看梧葉墮銀床

透隙商風細

窺簾素月圓

金風朝薦爽

壁月夜生涼

卓午秋風亦煖

凌晨夜氣猶清

久據要津踈狂不免譏人忌

自投散地游衍無愁候吏催

無味功名如嚼蠟

難羈歲月類拋梭



長瞻 北闕恩難報 莫倚西風嘆不逢
宦情鷄肋同不須掛齒

人事牛毛似何苦勞心

霜天寥廓渾秋色 雲日低微送夕暉

展紙時臨懷素帖 閉門日草太玄書

陰盛陽微滾滾雲雷從地起

秋初夏末滔滔風雨洗天來

三旬雲掩日 一夕水滔天

浮雲忽變為蒼狗 遠岫看來即黛螺

蜎曲月形纔仰瓦 滂沱雨勢即翻盆

一月二十零九日晝夜勞形布穀更兼促織

百年三萬六千場陽春滿面號寒豈若提壺

燕雲遙望如飛蓋 濟水潛流比漏卮

一生損益凡三友 十載驅馳為一官

秋夜可為長夜飲 暮年反憶少年遊

山巖常積三冬雪 海岸時昇五色雲

白露為霜惟九月 淒風帶雨又重陽

在山林苦體為農不用勲庸存鐵膽



中国国家图书馆
NATIONAL LIBRARY OF CHINA

願廊廟虛心擇相好將名姓覆金甌
業舉辛勤少年妄想龍頭選
居官直慙晚景難隨豹尾班
往歲無端飯生隔竈將奴打
只今有興酒熟沿門喚客嘗
彈劍思逢俠客揮毫喜有詩人
旋買新醪吹火熟權將舊服禦風寒
細觀雪中長白嶺恍疑雲際點蒼山
憂道為多言不必積書藏二酉

前程原一定何須信命究三辰
曾幾何時忽然露菊呈秋色
凡三閱月猶記風荷濺晚香
達官不若長監酒良賈如何只販鹽
嘉節正當無射律長春爛醉中興時
羽檄星馳外夷突入侵邊鄙
血書大報內寇俄聞犯海洋
田父相逢差重兼愁邊報急
野人至願年豐更得海波澄



惟茲海寇金內遊魚難作滔天之惡
嗟彼胡人席傍餓犬猶爭投地之腥
郊多走馬土雨紛紛田少耕牛黃雲漠漠
雨壞民居只願雨惟破塊
海雖盜窟久聞海不揚波
窮寇何能立待江皋撤警
虜酋懼罪行看邊徼無塵
舞劍興懷驅胡宜出山西將
舉盃洒淚執友多為泉下人

林跡欣方定 宦情夢亦驚

剛腸祇恐遭讒口 除日看來損道心

崔工澆菜難生利 棄職為漁豈釣名

簑笠是冠裳見客無言貪晒網

舟航為廬舍打漁有月急鳴榔

金門四品怕人嫌色斯舉矣

鐵版五星稱我貴心不在焉

遁跡偶同三徑隱 前身恐是四明狂

揮愁且拂水仙操 隨俗聊為山鬼篇



中国国家图书馆
NATIONAL LIBRARY OF CHINA

縱犬穿山尋兔跡 騎牛遠樹聽禽言
雨墻閒看蝸牛篆 風竹如聞鸞鳳音
泉上可鳴琴逢人百遍梅花弄
村中難得酒欸客三巡竹葉盃
火耕水耨終焉計 霧鎖雲埋隱者居
七松處士原同調 五柳先生不異風
慚無食肉相 別有養身資
老去惟應便耒耜 生來曾不見干戈
為仁請問其目 養氣勿求於心

簡語有如緘我口 說詩最善解人頤
渾厚雄奇氣乃文中三汲浪
悲懽離合詞為詩外一重天
拜辭黃閣尋漁父 假托青囊做野醫
水怪花妖難作伴 山翁木客可相交
積雨傷禾撥雲方可驅晴日
橫流浸壁煉石何時補漏天
晴少陰多季夏初秋俱雨占
壯難老易幼年暮景類風飛



中国国家图书馆
NATIONAL LIBRARY OF CHINA

考選新郎秉筆畫批高下卷
詔歸舊隱讀書夜對短長檠

光陰隨去馬 名姓任呼牛

烏帽不遮陽何如頂笠

綠袍難冒雪所以披簑

出洞蜀猿猶野性 巢林越鳥有鄉情

風光兀兀隨緣過 京洛煌煌沒福居

晝坐同誰看野馬 晚餐有客送江魚

今朝翻作愁雲賦 前月曾為喜雨詩

先憂憂廊廟若樂江湖斯後矣

小隱隱山林必居城市乃優歟

語彼朝臣急務無非全仗武

嗟予野客居憂自是不能文

平步登高興闌拂破歸山袖

急流勇退祇恐撐翻泛海槎

扈 驛長征日夜曾窮三百里

辭官得允春秋儵過幾多年

酒客倒罍拚一醉 詩豪放筆掃千言



中国国家图书馆
NATIONAL LIBRARY OF CHINA

序屬三秋庭槐猶綠葉

節臨九日籬菊未黃花

暗想前賢揮宏自有驅夷策

詳觀近事跋扈原非大將才

天道好還夏相遭誅兼乏嗣

人心不昧曹雄無罪却從軍

中中華髮星星短 爐內黃芽日日長

垂首願為牛馬走 藏身不入虎狼群

同情詠物詩中盡 解渴消煩酒後茶

論詩槩一世以為難自任可當詩舉主

賣盡借片言而定價衆稱堪作畫媒人

久占愚公谷 共稱處士居

山厨款客青烟起 谿徑為樵黑霧迷

清明偏洒桃花雨 綠暗多因楊柳烟

無鏡為家貧青鏡豈知貧女色

積金占國富黃金剋却富民心

橘樹三株新橘可收三百顆

書齋幾處古書曾費幾千金



中国国家图书馆
NATIONAL LIBRARY OF CHINA

雨泊歌銅斗 雲遊戴鐵冠

郡吏怕逢懶束帶 漁翁相請亟登舟

唾手祇知登第易 迴頭始覺做官難

分車待詔是喜憂也 漁網為生不亦樂乎

民多陳蔡色 鄉少邯鄲風

轉覺年光篤速 那堪春事闌珊

青城路遠心常到 玄圃雲深眼欲迷

俠氣猶存眼空滄海一盃小

雄心不老口吐虹蜺萬丈長

日具罇罍招酒友 夜親燈火似書生

當戶蕙蘭何必剪 遮山松桂亦當留

漉酒角巾時復著 驅蚊羽扇不停揮

霜葉飄飄金鳳舞殘千仞羽

雪花撩亂玉龍戰敗一天鱗

欲住蓬壺只爭弱水三千里

懇辭輦轂怕走紅塵十二衢

不奈炎蒸雲憐行客時張蓋

難除荒穢風為慵奴日掃門



門外松篁翳日

堦前蘭桂蒸雲

貧居不願為朝請

遠遁何由貶夜郎

蘇公不酒能為譜

陸羽知茶始作經

晝接難期草居木食

夜行不慣漏盡鐘鳴

渴飲堪稱茶博士

酣歌可作酒參軍

進履難逢圯上老

授書喜得濟南生

常慎起居隨旦暮

休將煩惱度春秋

雲藏隱約南山色

風遞潺湲北澗聲

何日南遊衣帶三江色

終年內養篋藏五嶽圖

孟東野文章落魄稱貞曜

白樂天詩酒逍遙號醉吟

筆掃雲烟片時變化

曾藏星斗萬象森羅

古畫難求筆端尚爾餘生意

前賢不作書上劃然有嘯聲

賈生謫去虛前席

尚父終來載後車

真念常存舞裙歌扇皆般若

俗情不染酒肆茶房即道場



千金曲海 萬寶詩山

大意麗知讀書休講解

群居鮮益掃軌罷逢迎

品竹彈絲幼童請假觀燈市

焚香酌酒遊子啣哀拜几筵

難啄寒泥春燕早 爭啼暖谷曉鶯嬌

本是仙班香案吏 好歌俗部玉樓人

漕運不循故道 京儲難靠新河

上流亟用河防志 中策還須海道經 卷上終





中国国家图书馆
NATIONAL LIBRARY OF CHINA